



PERDANA  
LEADERSHIP  
FOUNDATION  
YAYASAN  
KEPIMPINAN  
PERDANA

PERDANA LIBRARY  
PERDANA LEADERSHIP FOUNDATION  
NEWSPAPER CLIPPING

Newspaper	Suara Keadilan
Date	7/5/2013

# Ulang tahun kelahiran Altantuya, Najib angkat sumpah

*Suara Keadilan - 7/5/2013*

**SEDAR** atau tidak, Datuk Seri Najib Razak mengangkat sumpah di hadapan Yang di-Pertuan Agong Tuanku Abdul Halim Mu'adzam Shah pada hari ulang tahun kelahiran Altantuya Shaariibu.

Najib mengangkat sumpah sebagai Perdana Menteri selepas memperoleh kemenangan yang sarat keraguan dan penipuan di Balai Rong Seri, Istana Negara jam

4.07 petang 6 Mei lalu.

Tanggal itu juga warga Mongolia yang dikait dengan Najib khususnya dalam pembelian kapal selam Scorpene, sebelum jasadnya diletup menggunakan C4 di Puncak Alam, dilahirkan.

Dan, jika anak kepada pasangan Shaariibu Setev dan Sh Altantsetseg itu masih hidup, beliau genap berusia 34 tahun

Altantuya dibesarkan di St Petersburg Rusia sebelum mendapat pendidikan di Beijing China dan fasih berbahasa Mongolia, Inggeris, Rusia Mandarin dan Perancis.

Pembunuhan kejam wanita itu menyebabkan tiga orang didakwa iaitu Cif Inspektor Azilah Hadri dan Koperal Sirul Azhar Umar serta Abdul Razak Baginda, kenalan rapat Najib.

Azilah dan Sirul dijatuhi hukuman mati 9 April 2009 tetapi Razak Baginda dibebaskan tanpa diarah membela diri.

Sejak itu, tragedi pembunuhan itu menghantui Najib sejak menyandang jawatan Menteri Pertahanan hinggalah pada upacara angkat sumpah sebagai Perdana Menteri, hasil mandat yang dipertikai banyak pihak.